



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

**Luxemburgi, 1740**

CCXXVII. Annullatio Ordinationum, & foliorum Gallico idiomate  
impressorum prohibitio, in quibus eædem Ordinationes continentur.

---

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)

Datum Romæ apud Sanctum Petrum sub Anulo Piscatoris die VIII. Octob. MDCCXXXIX. Pontificatus nostri Anno Sexto.

CCXXVII.

Revocantur, & annullantur Ordinationes contentæ in quibusdam foliis Gallico idiomate impressis sub titulo - *Mandement de Monseigneur l'Evêque de Montpellier, portant condamnation d'une feuille imprimée contenant un prétendu Office pour la Fête de Gregoire VII. &c.* Cum prohibitione eorumdem Foliorum.

*De revocatione similium ordinationum super eadem re ab Episcopo Metensi factarum, vide præcedentem.*

Dat. 6. Dec. 1729. An. 6.

BENEDICTUS PAPA XIII.

*Ad perpetuam rei memoriam.*

Ordinationes in præfatis foliis contentæ, irritæ declarantur.

**S. 1.** CUM Nobis innotuisset in vulgus circumferri quadam folia Gallico idiomate typis impressa sub titulo - *Mandement de Monseigneur l'Evêque de Montpellier, portant Condamnation d'une feuille imprimée contenant un prétendu Office pour la Fête de Gregoire VII. Donné à Montpellier le 30. Juillet 1729.* quam plures ex Venerabilibus Fratribus nostris Sanctæ Romanæ Ecclesiæ Cardinalibus, aliosque in Sacra Theologia Magistros ad illorum examen delegimus, qui post maturam eorumdem foliorum discussionem, quid sibi ea super re videretur, Nobis retulerunt. Auditis itaque memoratorum Cardinalium, & in Sacra Theologia Magistrorum Sententiis, de Apostolica potestatis plenitudine, Ordinationes in præfatis foliis contentas, nullas, inanes, invalidas, irritas, attentatas, nulliusque omnino roboris, & momenti esse, & perpetuo fore tenore præsentium declaramus.

Eorum reventio interdicatur.

**S. 2.** Et nihilominus ad majorem cautelam, & quatenus opus sit, harum serie revocamus, cassamus, irritamus, annullamus, viribusque, & effectu penitus, & omnino vacuumus, ac pro revocatis, cassatis, irritis, nullis, invalidis, & abolitis, viribusque, & effectu penitus, & omnino vacuis semper haberi volumus, & mandamus; folia vero prædicta tam impressa, quam etiam manuscripta legi, seu retineri tenore patris præsentium, illorumque impressionem, descriptionem, lectionem, retentionem, & usum omnibus, & singulis Christianis fidelibus etiam specificis, & individua mentione, & expressione dignis, sub poena excommunicationis per contrafacientes ipso facto absque alia declaratione incurrenda, a qua nemo a quoquam, præterquam a Nobis, seu Romano Pontifice pro tempore existente, nisi in mortis articulo constitutus, absolutionis beneficium valeat obtinere, omnino quoque interdiciamus. Volentes, & auctoritate Apostolica mandantes, ut quicumque folia hujusmodi penes se habuerint, illa statim, atque præfatis literæ eis innotuerint, locorum Ordinariis, vel hæreticæ pravitatis Inquisitoribus, tradere, atque consignare teneantur; hi vero ea sibi sic tradita illico flammis aboleri curent; In contrarium facientibus non obstantibus quibuscumque.

Mandatur publicatio harum literarum.

**S. 3.** Ut autem eadem præfates literæ ad omnium notitiam facilius perveniant, nec quicquam illorum ignorantiam allegare possit, volumus etiam, & auctoritate præfata decernimus, ut illæ ad Valvas Basilicæ Principis Apostolorum, ac Cancellariæ Apostolicæ, Curiaque generalis in Monte Citorio, & in Acie Campi Floræ de Urbe, per aliquem ex Curforibus nostris, ut moris est, publicentur, illarumque exempla ibidem affixa relinquantur, & sic pu-

blicatæ omnes, & singulos, quos concernunt, perinde afficiant, ac si unicuique illorum personaliter notificatæ, & intimatæ fuissent.

**S. 4.** Utque ipsarum præsentium literarum transumptis, seu exemplis etiam impressis manu alicujus Notarii publici subscriptis, & Sigillo Personæ in Ecclesiastica dignitate constitutæ munitis, eadem prorsus fides tam in Judicio, quam extra illud, ubique locorum habeatur, quæ eisdem præsentibus haberetur, si forent exhibitæ, vel ostensæ.

Datum Romæ apud Sanctum Petrum sub Anulo Piscatoris die VI. Decembris MDCCXXXIX. Pontificatus Nostri Anno Sexto.

Prohibetur Fratribus Ordinis S. Joannis Dei procurare, vel admittere favores extra eundem Ordinem pro consecutione Dignitatum, & officiorum &c.

Fides habenda transumptis.

CCXXVIII.

*Alia hujus Const. ed. 1725. Sept. 7. P. 2. nonnulla statuta fuerunt pro bono ejusdem Ordinis regimine, & Clem. XII. Const. ed. 1732. Oct. 1. P. 3. revocantur nonnulla privilegia personalia iisdem Fratribus alias concessa.*

BENEDICTUS PAPA XIII.

*Ad futuram rei memoriam.*

Dat. 12. Dec. 1729. An. 6.

**S. 1.** EXponi Nobis nuper fecit dilectus filius Prior Generalis Fratrum Ordinis S. Joannis Dei, quod licet tam per ejusdem Ordinis, Apostolicasque Constitutiones, quam per alias nostras in simili forma Brevis pro bono ipsius Ordinis regimine die 17. Septemb. 1725. expeditas literas Fratribus prædictis quoscumque extra eundem ordinem favores pro Dignitatibus, & Officiis in eo assequendis procurare, vel admittere sub gravissimis etiam excommunicationis lætæ sententiæ poenis prohibicum fuerit, nihilominus ipse Prior Generalis veretur, ne occasione proximi Capituli generalis ejusdem Ordinis aliqui ex dictis fratribus æternæ suæ salutis immemores, ac cæca ambitione honorumque cupiditate obrepti ad ejusmodi veritos favores recurrere præsumant, unde libertas prædicti capituli Generalis, ac religiosa ipsius ordinis tranquillitas, providumque gubernium non mediocre acciperet detrimentum. Quare dictus Prior Generalis Nobis humiliter supplicari fecit, ut in præmissis opportune providere, & ut infra indulgere de benignitate Apostolica dignaremur.

Expositio facti, & causæ ad hanc Constitutionem edendam.

**S. 2.** Nos igitur ipsius Prioris Generalis votis hac in re, quantum cum Domino possumus, favorabiliter annuere volentes, eumque a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes, hujusmodi supplicationibus inclinati, omnibus, & singulis dicti Ordinis Fratribus nunc, & pro tempore existentibus, ne occasione proximi, seu alterius deinceps celebrandi Capituli generalis, ejusdem Ordinis, electionumque in eo faciendarum, favores, preces, vel commendationes extra ordinem præfatum pro consecutione alicujus Dignitatis, seu Officii quoque modo procurare, deferre, vel recipere, & admittere audeant, seu præsumant sub poena privationis vocis activæ, & passivæ necnon voti, sive suffragii, quod in eodem Capitulo Generali haberent, eo ipso absque alia declaratione per contravenientes incurrenda præter, & ultra alias

Prohibitio prædicta.